

商水縣志

HARVARD COLLEGE LIBRARY
FROM THE
HARVARD-YENCHING
INSTITUTE
AUG 30 1929

ChL 3145.0213.83

卷之十

祥瑞
季考示

災變
古蹟詠

拾遺

碑文

歌勸

商水縣志卷之十

紀事志

祥瑞拾遺

災變

古者國必有史以紀時政率皆經邦大訓云爾乃慶祥災異雖微必書何哉天人一理也萬物一氣也人事感於下天道應於上洪範庶徵詳言之矣商雖蕞爾一邑亦天下之積也一邑乖和則天下失平矧夫盜賊饑饉邦本所關尤切重焉因表紀事

災祥

災祥之說何自昉乎易曰天垂象見吉凶而載在史冊者若膏露醴泉慶雲景星以至水旱蝗盜日

食星隕又皆班班可考於此見天人感應之際數之適然實理之自然也故聖人不言祥瑞而王者遇災而懼修省者敬怒敬渝豈敢委之適然之數而廢必然之理哉

祥瑞

漢

宣帝時有鳳止於城內十字街因名鳳凰臺

明

天啓二年麥秀兩岐穀多二穗是年大有

國朝

順治十年大有年

康熙十年大有年

康熙十九年大有年

康熙二十五年大有年 恩免田租之半

康熙三十年 恩免田租一年

康熙四十四年大有

康熙五十年大有

康熙五十三年麥秀兩岐

康熙五十九年大有

康熙六十一年大有 恩免田租一年

雍正二年大有

乾隆二年大有

乾隆三年大有

乾隆五年大有

乾隆八年大有

乾隆九年大有

乾隆十二年 恩免田租一年

災變

明

正德六年劉六劉七餘黨趙燧邢老虎攻打商水陷

知縣劉漢全家死節賊感漢義釋而禮之倉庫無
矢事聞嘉獎

萬曆二十一年四月初旬淫雨抵八月方止四野瀰
漫室廬頽圯夏麥飄沒秋種不得播百姓嗷嗷始
猶食魚鰕繼則餐樹皮草根後乃同類相食餓莩
滿溝壑白骨枕原野誠人間未有之災也上發內
帑銀三萬兩賑濟民賴以全活

萬曆三十二年淫雨暴降麥禾傷甚災亦如之
天啓七年二月雨水野禽羽凍民競取之
崇正四年四月太白經天

崇正五年五月霖雨至八月止河水泛溢舟航遍地
廬舍傾頽壓死男女無數民始飢

崇正六年沙雞來其形似鳩短脚猫蹄不能樹栖夜
好羣飛飛則有聲民間爭以火照取而食之識者
卜爲羣盜蜂起之象是年流寇起

崇正七年流賊渡河八月至商水北蔡寺地方殺人
甚衆

崇正九年流賊至商水周家口趙老人集殺擄無數
崇正十年蝗 十一年蝗 十二年蝗

崇正十三年大飢羣盜蜂起一條龍袁老山小袁營

千金劉皆統衆數十萬到處焚殺百姓壯者皆從
賊去其餘老弱相食甚有父子兄弟夫婦自相啖
者冬大雪路絕行人城門堅閉四關皆食人之藪
也

崇正十四年春大疫抵秋方止死者無數初猶棺殮
繼用薄捲後則關門皆死竟無一人能殮者至六
月間街少人跡但聞蠅聲薨薨而已十月初四日
夜闖賊自項抵商欲襲城守者覺之而去初五日
遂設攻具薄城知縣姚文衡教諭王應登督領鄉
官張質等國學生傅嘉言高思忠等與鄉民百方

固守城上立雲樓以砲擊之城下率義勇時砍其
營凡三晝夜賊勢益盛攻打益急矢石俱盡救援
無恃力弗支也初七日早賊以砲擊破東門甕城
衆始喪氣文衡投井而死應登自縊質與嘉言思
忠皆被執不屈而死生員李之萼及鄉民死義者
甚衆殺死男女數萬屍骸枕集血流成渠

國朝

順治二年豫王南征四月二十四日固山土將兵至
沙河南岸黃家灘扎營僞官王仁宇逃去先是崇
正十四年闖賊李自成亂後遍地綠林揭竿嘯衆

割據稱雄商民不覩天日者凡六年至此始隸

王籍

順治三年正月天雨雪震電

順治九年二月十五日地震

順治十四年沙河決秋禾盡被淹沒

順治十五年夏五月沙河決橫流肆虐二麥飄沒民
結泔水中掇其穗而食之至秋霖雨連綿舊口復

決四野瀰漫濁浪排空環城圍繞非舟楫莫能往
來

順治十六年夏沙河決麥秋湮沒九月二十一日午

天鼓鳴於東南

康熙元年八月黃河水溢汎濫於南與沙河堤平西華河決葫蘆灣商水河決楊家灣二水橫流漂民廬舍不可勝數城不浸者三版河水之決無大於此者 是年八月地震

康熙二年大旱

康熙四年沙河復決楊家灣

康熙六年飛蝗蔽天食稼殆盡

康熙七年三月二十八日白氣見於西南彗長數十丈經十餘日不散六月太白晝見十七日戌時地

震房屋搖動如將塌狀大雨數日不止平地水深丈餘楊家灣河堤復決

康熙十一年大水

康熙十二年大水

康熙十三年春大飢百姓食草根樹皮賣子女者甚多

康熙十五年十六年俱大水

康熙十七年春大飢 撫憲董 繪圖上之

上發內帑並移他縣廩穀差戶部侍郎查庫逐戶賑濟民得免於死是年自春徂秋霖雨不止二麥灰飛秋

稼盡荒歲復大飢奉

旨蠲免今年田租之半

康熙十八年三月二十七日天雨雹大者如拳小者如卵由白蛇岡北蔡寺抵上蔡東岸集東南西北亘百餘里屋瓦擊碎二麥盡毀如泥無一莖存者九月十一日沙河水決是歲復大飢

康熙二十一年沙河許家灣堤決二十二年復決漂沒幾千家知縣郭天錦詳令西華協夫修築至今永固 是年冬十二月二十三日夜雨雪雷電交加至次早微有聲

康熙二十二年正月初七日大風晝晦雷聲震耳康熙二十八年十一月瘟氣傳染自北而南牛驢死者百不存一至次年十月始息而民間牲畜已無噍類矣耕地乏牛多有以人曳耒耜者

康熙二十九年十一月雨雪寒沍冰堅至次年二月始解計六十餘日人畜果木凍死無數

康熙三十一年陝西饑協運湖廣江南漕糶於童關盤剝車價斗米一金甚至輪折牛斃夫役死亡貽累不堪

康熙三十二年二月黃霧四塞蔽天虧日二十九日

夜半起至次日巳時開繼以暴風摧拉振拔屋瓦
皆飛

康熙四十二年夏大雨十晝夜淹塌民居不可勝數
平地水深一丈遍地舟航田禾無復一莖矣

康熙四十三年春大飢

康熙四十八年四月大雨旬日平地水深數尺更加
白帝河決二麥盡被淹沒

康熙四十九年春大飢草根樹皮搜括殆盡民間競
鬻子女一兒值百錢或以二升雜糧易之甚至不
忍分離舉家赴河死者

康熙五十六年趙老人集河決西北一帶秋禾盡被
淹沒是年春三月天鼓鳴於西北八月宜陽民亢
挺作亂尋討平之

雍正元年六月黃河楊橋口決十月至商沙河以北
莊村被其衝漂者十之六七淹死居民不可勝數

雍正五年沙河白帝口決

雍正七年王家埠口河決

乾隆元年黃河水溢至沙河北東西馬坡

乾隆六年四月大雨連日窪下之地二麥悉被漂沒
乾隆七年霪雨數月麥秋俱無

乾隆八年春大飢民間無食多有鬻子女者
上聞詔發倉穀賑之復緩其征比民始得甦焉

拾遺

固陵

周赧王太子墓也在縣西南四十五里固現集之
東偏土人相傳赧王失國太子死節葬此後人高
其義卽墓上建祠祀之名之曰固王廟西漢高祖
追項羽至固陵爲羽所破帝堅壁自守以待諸侯
卽此

高祖廟

縣西南三十五里鍾鎮倉之東帝追羽至固陵與
羽交兵於此後人立廟祀之廟今圯

白鳥

雍正八年春三月鍾鎮倉廟忽來白燕一對時時
飛鳴廟前池上市中男婦皆往觀之留此數日而
去

白鳥鴉

乾隆元年春三月監生魏承統樓上產白鳥鴉一
隻綠嘴綠足四方往觀者甚衆皆以爲瑞

張乞兒

雍正二年周家口有一乞丐姓張氏譙陵人也跛一足身無完衣以義乞於市與則受之不與亦弗強絕無搖尾乞憐之態咸以義乞呼之居常落落不與羣丐伍夜則棲遲於市西義冢之隙掘地深尺許幕天席地坐臥其中風雨暑寒不暫移或日一出行乞或數日不出亦不苦飢一日天大風雪平地深數尺人以為義乞死矣好事者掘而視之乞方鼾睡未之醒也由是遠近咸驚異之爭進之食不遍受各食少許餘俱謝去有贈以棚與衣者義乞曰吾以天地為室何以棚為野處而衣新衣

適足為強暴之資且恐有性命之憂也竟辭不受人愈異之處義冢十有三年一日飄然而去莫知所之亦竟不知為何許人但目之為義乞云

職官 前志遺後於項城得舊明志始知其詳茲特續入拾遺中亦不沒前人之意也

知縣

明

畢

環

直隸成安人
由監生任

邢

潤

直隸樂亭人
由監生任

熊

質

直隸高郵人
由監生任

李

信

山西平陽府人
由監生任

雷

震

山西沁源人
由監生任

朱

琛

江西贛縣人
由舉人任

龔

寬

江西安遠人
由監生任

許

冕

江西臨川人
由監生任

邢懋 陝西南鄭人 由舉人任

張冕 北直長垣人 由進士任陞監察御史

郭貴中

從祀各宦

李濬 順天清苑人 由舉人任

姚孟貴 浙江定海人 由監生任陞廣西柳州府同知從祀各宦

鄭釗 山西人 由舉人任

栗經 山西榆次人 由舉人任

沈正 山西潞州府人 由舉人任

閻宏 陝西華陰人 由舉人任

楊洪 山西榆次人 由監生任

任維宗 山西廣陵人 由監生任

郭杲 江西贛州府人 由監生任

廖芝 廣西桂林府人 由舉人任

胡拱旦 湖廣承天府人 由舉人任

王延齡 山西臨汾人 由監生任

鄧果 四川巴陵人 由監生任

葉隋 四川富順人 由舉人任

陳詡 福建蒲田人 由官生任

盧本實 湖廣襄陵人 由舉人任

劉湛 四川漢州人 由舉人任

孫鹿鳴 直隸威縣人 由監生任

馬斯臧 山東安邱人 由舉人任

陳鵬 湖廣蘄水人 由監生任

李應鱗 山東東平人 由舉人任

韓棟 直隸寧縣人 由舉人任

徐士毅 直隸繁昌人 由歲貢任

任博山 山東臨邑人 由舉人任

趙尚忠 山西太原衛人 由舉人任陞山東膠州知

陳應龍 四川內江人 由舉人任

州知

崔文奎 順天無極人 由歲貢任

段孟春 順天任邱人 由舉人任

王揆疇 北直清苑人 由舉人任

明

典史

梁敏 直隸鳳陽人

何濟 直隸無為州人

李英 山東堂邑人

白文 順天河間人

顏猷 廣西永淳人

侯珪 山西安邑人

溫琮 北直永平人

王復廷 山西澤州人

吳洵 直隸六安人

黃天秀 湖廣黃陂人

田大用 北直河間人

曹尚岳 浙江餘姚人

林遇時

教諭

明

毛翼 浙江遂昌人 由監生任

李振 山東樂陵人 由舉人任

華詵 直隸常熟人 由舉人任

朱敬 直隸常熟人 由舉人任

錢黻 直隸武進人 由監生任

何璞 江西永豐人 由儒士任

周廣 直隸武進人 由舉人任 從祀名宦

范景 山東沂州人 由舉人任

張隆 山西安邑人 由舉人任

梁端 山東武城人 由舉人任

邢和 陝西長安人 由監生任

王源 直隸臨淮人 由監生任

李貴和 山西蒲州人 由舉人任

張澤 湖廣黃崗人 由舉人任

嚴賓 直隸丹徒人 由監生任

蓋庸 山東德州人 由監生任

何應宿 廣西桂林人 由舉人任

楊應東 雲南太和人 由舉人任

常若愚 廣西桂林人 由舉人任

皮質 湖廣黃崗人 由監生任

陳昌虞 直隸太平人 由監生任

李恪 山東東昌人 由監生任

丹策 北直元城人

楊珮 北直容城人

高鳳翥 歸德睢州人

周琰 歸德商邱人

朱應龍 浙江餘姚人

鄭相 北直真定人

王心正 湖廣黃安人 由舉人任 陞嘉興通判

劉端儀 直隸休寧人 由歲貢任

羅偉光 廣東東莞人 由舉人任

陳時舉 四川奉節人 由舉人任 陞雲南曲靖

田有慶 順天密雲人 由歲貢任

彭薦雲 直隸江都人 由歲貢任

張大賓 汝寧西平人 由歲貢任

孟述唐 輝縣人 由歲貢任

訓導

明

劉威 陝西臨潼人 由監生任

于清 北直欒州人 由監生任

于謙 直隸肥鄉人 由監生任

瞿璞 江西武寧人 由舉人任

劉翰 直隸高陽人 由舉人任

晏旻瞻 四川巴縣人 由監生任

葛淵 浙江慈谿人 由舉人任

高鎰 福建閩縣人 由監生任

詹璽 北直順天人 由監生任

王從教 山西徐溝人 由監生任

鄧文 湖廣保康人 由監生任

申瑤 山西平定州人 由監生任

饒世禎 山東兗州府人 由監生任

石奇 湖廣岳州府人 由監生任

成漢 浙江人 由監生任

法章 陝西扶風人 由監生任

王資 陝西河州人 由監生任

蔚廷偉 山西朔州人 由監生任

洪祐 湖廣人 由監生任

陸廷玉 湖廣澧州人 由監生任

王澤 北直邯鄲人

孫富 陝西同州人

薛祈 直隸丹徒人

任衡 北直人

史秉 陝西同州人

陳復初 山西寧鄉人

王廷儀 陝西安寨人

韓輔 雲南通海御人

張登士 山東德平人

武朝勳 章德磁州人

選舉志

進士

宋

張 譔 太宗朝初進士授大理寺評事陞太子中允

徵辟

明

謝直方 洪武十五年舉賢良方正任福建布政司右叅議

李勝 洪武二十二年舉孝廉任陝西西安府經歷

張垣 洪武二十二年舉孝廉任陝西淳化縣丞

蔣忠 洪武二十七年舉孝廉任山東樂林縣知縣

王志 洪武二十七年舉孝廉任浙江義烏縣丞

劉宗顏 洪武二十九年舉人材任山東鄒平縣知縣

舉人

明

趙可行 洪武癸酉科任直隸武邑知縣

陳翰 洪武癸酉科任直隸無極知縣

袁廉 永樂甲午科

任嵩 永樂癸卯科任

王濬 天順己卯科

王相 成化丁酉科

高需 宏治辛酉科任

時應璧 正德丁卯科任

張質 崇正甲子科

張質 保安州知州

貢士

明

張由義 洪武十四年貢

王時中 洪武十五年貢任

郭達 洪武十六年貢任

胥安 洪武十八年貢任

楊子中 洪武十九年貢任

郭文中 洪武二十年貢

母居正 洪武二十一年貢

單守道 洪武二十五年貢

李大安 洪武二十六年貢

良 洪武二十八年貢

姜綬 洪武二十九年貢

李喜 永樂四年貢任

裴川 洪武三十年貢

段暹 永樂五年貢任

楊正芳 永樂五年貢任

惠莊 永樂七年貢任

陳寵 永樂六年貢任

柴陽 永樂九年貢任

張奮 永樂八年貢任

王祿 永樂十一年貢任

胥葩 永樂十年貢任

張裕 永樂十三年貢

朱保 永樂十二年貢任

張翼 永樂十八年貢任

劉偉 永樂十四年貢任

史誌 永樂二十一年貢

馬貞 永樂十九年貢任

張翼 順德府沙河知縣

陳綱 宣德二年貢任 直隸南樂縣丞

韓溫 宣德四年貢任 巡檢

楊平 宣德七年貢任 山西榮河教諭

栗懋 宣德八年貢任 衛知事

鄧喜 正統九年貢任 廣東泉州吏目

王魁 正統十一年貢任 南京兵馬司吏目

婁義 正統十一年貢任 陝西環縣知縣

時敬 正統十一年貢任

王文 正統十一年貢任 湖廣隨州吏目

蘇謙 正統十一年貢任 山東海豐主簿

鄭德善 正統十一年貢任 縣丞

袁正 景泰二年貢任 深州州判

翟友 景泰五年貢任 陝西王府奉祠

喬元 天順元年貢任 直隸盱昭教諭

蔣祿 天順元年貢任

楊俊 天順二年貢任 北直無極主簿

游通 天順四年貢任

李臻 天順六年貢任 保定府照磨

王翊 天順六年貢任

王岷 天順六年貢任 湖廣隨州吏目

李鉉 天順八年貢任

賀慶 天順八年貢任

孫政 成化二年貢任

韓鸞 成化四年貢任 直隸新樂知縣

時克寬 成化三年貢任 湖廣武昌經歷

魏時昇 成化六年貢任 京兵馬司指揮

王璿 成化七年貢任 陝西藍田縣丞

康澤 成化八年貢任

黃馴 成化九年貢任

王進 成化十年貢任 西平遙縣主簿

魏復宗 成化十一年貢任 陝西臨潼訓導

王志 宏治元年貢任 隸安慶府經歷

惠岷 宏治十三年貢任 京山縣丞

時雍 宏治十年貢任

王壽 宏治十八年貢任 陝西真寧縣丞

王臣 正德二年貢任

黃孜 正德六年貢任

劉暹 正德八年貢任 長沙府知事

李首 正德九年貢任 直隸慶都知事

黃 駙 正德十四年貢任 山東歷城主簿 王 勳 嘉靖元年貢任 山西霍州訓導

支尚文 嘉靖三年貢任 鴻臚寺敘班 陳繼祖 嘉靖五年貢任

劉 鈞 嘉靖六年貢任 直隸江都縣丞 范毅應 嘉靖八年貢任

王 宋 嘉靖十年貢任 柴士貞 嘉靖十二年貢任 直隸良鄉知縣

王 前 嘉靖十三年貢任 陝西王府教授 馬 仲 嘉靖十六年貢任 直隸吳江訓導

王 淳 嘉靖十七年貢任 陝西淳化訓導 曹 士 嘉靖十八年貢任 巡檢

李 達 嘉靖十九年貢任 知縣 沈 極 嘉靖二十年貢任 山東夏津主簿

王崇翰 嘉靖二十年貢任 劉九疇 嘉靖二十年貢任

喬 木 嘉靖二十年貢任 王 賀 嘉靖二十年貢任

時應辰 嘉靖二十七年貢任 惠 坦 嘉靖二十八年貢任

柴 偉 嘉靖二十九年貢任 劉煥然 嘉靖二十九年貢任 山西蒲州州同

韓崇康 嘉靖三十三年貢任 郭廷訓 嘉靖三十五年貢任

柴濟衆 嘉靖三十七年貢任 惠 坤 嘉靖三十九年貢任 王府教授

陳 言 嘉靖四十年貢任 山東博興訓導 高 旦 嘉靖四十二年貢任 北直栢鄉縣丞

王 冠 嘉靖四十四年貢任 羅山訓導 楊梓霄 嘉靖四十四年貢任 浙江會稽訓導

黃 庚 嘉靖四十五年貢任 山西太原訓導 王春澤 隆慶元年貢任 北直三河知縣

王 柁 隆慶三年拔貢任 韓崇德 萬曆元年貢任 寧縣教諭

焦廷光 萬曆三年貢任 山東萊陽訓導 馬奉圖 萬曆四年貢任

趙光霽 萬曆五年貢任 直隸蠡縣訓導 吳天倫 萬曆七年貢任 州訓導

滕濟倫 萬曆九年貢任 順天府學訓導 韓 科 萬曆十一年貢任 陽城訓導

曹士才 萬歷十五年貢

韓梅 萬歷七年貢

劉光前 萬歷九年貢

韓向上 萬歷二十四年貢 上蔡訓導

王碩輔 萬歷二十六年貢 任直隸和州訓導

李養性 萬歷六年貢 州州判

吳遇 萬歷三十一年貢 任准州訓導

惠承先 萬歷三十三年貢 任裕州訓導

傅惟肖 萬歷三十五年貢 任懷慶府訓導

隋大化 萬歷四十年貢

例監

明

華鑑 衛經歷

朱冕

張繼先 亳州判

龔平

王純 鳳翔府經歷

惠心 通州吏目

王賢 雲南寶山吏目

王寰

惠人

劉子愚

朱國忠

惠承志

趙拱樞

劉子恕

王四箴

劉子省

李天福

烈女引 係舊明志 特續入

知縣 劉遷

雖曰死歸也誰不重於泰山章縫徒即儼然稱死節臣不無顧盼而以索之壺中則尤難正德時逆瑾餘黨流毒山東河南嘗其害者十七亦嘗取道商水是

時邑令劉麻城也率衆往迎得委曲全民其婦若女
乃義不受污聚首自縊於一室柰何獨不效世俗子
委曲自活也吁亦奇矣麻城公從祀名宦而婦若女
竟湮沒無聞致使烈烈大節不得與日月爭光而鬱
抑遊魂徒悲號於星月之下余特表而出之

烈婦 烈女

邑令劉麻城婦失其姓遇害死節

劉氏邑令劉麻城女也正德時遇逆賊瑾餘黨流毒
與母竝縊一室而死

商水縣志卷之十

重修忠義神武靈佑大帝廟碑記

邑令牛問仁

於惟

大帝千秋忠義純乎至誠卓乎浩氣其在當時惟漢是
焉不知有吳何論於魏嗟彼曹瞞行同魍魎機事機
心爰設芳餌子女金帛厚爲贈遺神龍有欲故得而

飼惟

帝無私脍誼篤摯舊主是懷重惟簡畀歷險如夷始終
不易孚格豚魚沉在奸僞左右勿追孤忠克遂取義
獨行千里單騎三復春秋學醇且邃重耳報秦蹟累
相類威震華夷恩周行隊亦肅亦溫無偏無陂利既

不趨害豈云避視死如歸視生如寄曰大丈夫當之
無愧真氣彌綸誠心鬱積何幽何明剛大兼至億萬
斯年敷時繹思彤靈以時咸欽祀事扶正驅邪夔魍
莫肆覺世真經喚醒夢醉八柱撐天四維紀地軼後
超前拔乎其萃至聖孔子淵源同粹

國朝定鼎凝休正位忠義神武嘉名肇始迨我

聖皇尊崇疊賁靈佑新增聲施訖暨史館纂修正訛定謚

彛訓煌煌

綸綍宣示日出海隅咸知所自矧在中邦饋祀益崇

宰激川責分撫字水旱禱求虔誠共致縣治南街廟

稱恤闕其制何西桑梓瞻企舊著靈竒見於邑誌父
老謳吟銘深寤寐風雨歷年樓牆幾墜嗟我士民共
增感喟鴻工庀材協心顛顛五月告成堂基堅緻陟
降赫然如臨如莅首事邑紳敬恭不遺傳後信今屬
宰作記盥手澄心躊躇數日伏願邑人如諸昆季守
分習勤勿辭勞動仰

帝之忠詐虞胥棄上報

朝廷勉為淳懿慕

帝之義無滋猜忌故舊親隣最以洽比交情往來不求
不佞以朴學誠以正馭氣前

聖我師存乎有志相見潔齋

神休永庇

周口南岸金龍四大王廟碑記

邑令牛問仁

乾隆癸巳初夏

問仁

宰商水次年甲午春同鄉張輯

五等議建

大王廟於周口潁水之南乙未秋九月告成屬余志之
余惟節莫大於忠義德無間於幽明縱觀天地間升
沉榮悴轉眼成虛而惟此義膽忠肝足以擎八柱而
維六幕耿三光而薄九霄上可報效國家下可庇佑
蒼赤此依古貞臣義士生則建殊勲全志節沒則銘
彝鼎肇明禋亘千秋萬代而俎豆於不祧者也夷考
記載

王籍隸浙之山陰爲宋季武學生素矢忠義元滅宋赴水盡節明太祖兵起王見諸夢許反黃河水助戰彭城後果驗遂得封王卒於封邱之金龍口行四故曰金龍四大王我

朝定鼎百三十年屢著靈蹟夾河兩岸多立廟祀周口地界淮商賈魯褚汾滙入潁流商賈雲集康熙年間都油增價衆商舟楫順利諸藉王休戚思報之糧油商人公議每千百抽存什一乾隆初年計得四百餘金經營生息三十餘年又各竭力捐輸始得贊成其事於戲

王以諸生抱忠貞炎宋絕祀已九十年而王英魂精氣砥柱中流直與漢廣江永大河之來天上瀚海之衛神州同其縣長悠久用能呵護生靈無遠弗屆其能壯有宋衰歇之氣於四百餘歲以後者即能扶大清神聖之祚於億萬斯年之久者也禮稱有功德於民者則祀之王其最歎抑聞忠義人皆可學衆商賈一念之誠年幾百載贊計萬金協力同心共成厥志是亦抱忠悃而襄義舉者宜

王之扶翼啓佑於無疆也抑於此竊有私祝焉問仁沐聖恩莅事商邑春秋四更問雨占晴利害與民共之邑境

地多窪下水患尤繁寤寐尚祈

明神垂佑保茲澍疆永絕災祲俾履平康則蒙王之
休而飲食尸祝者又不惟五方商賈之衆已也款款
私衷

王其鑒之

季考示

邑令 牛問仁

正堂外 爲季考事蓋聞濁水孕珠遇鮫人而煥彩
深山抱璞逢和氏以生輝在豪傑固無待而興惟術業
以相觀而善仕優則學本未易幾會友以文雅有同
好本縣濫竽科甲筮仕茲邦退食一編公餘三復溯
星槎之來自西北益悟學本文河挹潁流之下注東
南乃嘆文歸學海風塵俗吏何暇文章髦譽俊才有
懷金玉試吾舊業萍爾新礪商邑雖云僻隅中州實
號才藪章臺空留遺址積學愧爾積金樓鳳時鳴梧
岡吉人先資吉士曩者征車初下即期示我周行今

茲秋氣方新彌覺伊人宛在披清風於白帝詩興頻
添望夜月於烏溝文思頓爽敬諏七月初三日集諸
生童於書院而面課之陶詩云奇文共欣賞疑義相
與析惠而好我嗟肯來遊特示

勸民歌序

邑令 牛問仁

古人躬行化民第以言教陋矣然天地之性又爲貴
愚民不知人理輕蹈法網不教而殺視若犬豕返諸
爲民父母之心能無惻然本縣政務稍暇自著勸民
歌十二條以里言申明人理大要不外於五倫與律
文所載十惡七殺要義互相發明因令各地方公舉
鄉長附於農隙朔望宣講

聖諭之後以仰副

聖朝委任

上憲嚆植之意於萬一云

勸民孝弟里歌

秦魯吾民要孝弟孝弟於人爲最切水若無本流還
竭木若無本因風折不孝不弟根先絕忤逆子弟得
禍烈人自孩提至性揭娶妻生子天真治每食無餘
甘旨缺惟言是聽婦長舌何有何無自親熱一家骨
肉成冰雪獨不思人無父母生不茁人無兄弟爲孤
子暗裡試他一點血凝成一處無分別天地生成恩
義結手足何忍自劈裂返哺烏鴉留母蝎眼前報應
斑斑列孝不專在聽親說尊卑名分自尋轍生男生
女願和協五更睡醒思量徹

勸民完錢穀里歌

我

朝休養惠黎元風調雨順多豐腴捷伐逆酋衛吾民難
道百姓不知感百凡浮費皆宜省惟有錢糧不可緩
就使囊中無餘錢粟帛也該急變轉每年照月足分
數奏銷之期限難展若是頑疲仍舊貫杖責刑比法
難遣爲勸吾民共知勉奉公急課爲良善

勸民和夫婦里歌

爲勸吾民和夫婦夫婦和時福綿綿夫男原是一重
天娶妻緣結五百年齊眉敵體互相聯承先啟後非

偶然結髮相愛須相敬始終相敬愛如今貧窮彼此
共相憐糟糠乃見恩義堅堂上雙親孝爲先常教兄
弟學三田琴瑟靜好邀天眷生男育女慶膝前若是
終朝相吵鬧管取一生受顛連豈不聞昧旦鷄鳴自
古傳相敬如賓說前賢德業相勸過相規白頭密友
共勉旃

勸民勿鬪毆里歌

七殺謀故罪滔天鬪毆傷人論抵還事關服制律更
嚴先死容易後死難縱然傷輕不致死分別杖徒法
難寬豈不聞人生禮讓最爲先下雨不淋踏頭椽甘

受人欺是善緣好漢安能抗上天世路崎嶇積石端
讓人一步福無邊有時氣忿讓不過吞聲歸去且長
眠待得醒時平心想豈真是父母之讐不戴天放得
開時意豁然眼前便覺天地寬

勸民勿賭博里歌

奉勸吾民勿賭博一着脚時步步錯人生術業各有
托當勤夜思與早作縱使冬閒苦寂寞尋個正業作
生活縱使長夜苦蕭索檢點門戶謹管鑰每聞人家
被偷摸多因出門去賭博吾民本是伶俐人入了賭
博多蒙混吾民本是正經人入了賭博成光棍吾民

本是柔善人入了賭博生忿恨入局容易轉身難賭博叫做迷魂陣所以長官愛百姓惟有賭博法嚴禁開賭窩賭造賭具杖責軍流依律問始因圖利空囊橐到頭終苦沒下落懃懃懇懇與民約各務本業休賭博

勸民息訟里歌

爲勸吾民勿好訟好訟枉把機權用訟師以爾爲玩弄千方百計要求勝縱然勝了非便宜何況虛詞終有空牽東補西難掩飾到頭得把真情供供出真情皂白分按律定罪不寬縱本是些小口角事弄巧成

拙落陷穽何如見機早回頭我有不是先自訟守分樂業爲安靜安靜便是好百姓

勸民勿輕生里歌

吾邑民淳少詐僞間或輕生自捐棄父母養育非容易頭象天兮足象地太平本是極樂國奈何輕生永別離投井服毒并自縊盡是懵懂無知類祖宗不許入墳塋子女不得奉含禭親人哭得心如醉鬼若有知應墮泪婦女生前惜廉恥赤身驗尸羞難避自盡法不論抵償枉把性命作兒戲豈不聞

聖祖天語諄諄示解讎重命切宜記縱有急困難支持還須

從長另計議除却死法皆活法心頭莫教生魑魅
勸民勿重利里歌

爲勸吾民莫重利重利由來必失利貧窮親友來稱
貸量力周給爲恤匱縱使有借復有還只應照例起
息利若將放債作生意一索再索情乖離你圖吃利
我出息安能一朝清本利壞鬧爭辨無終既構訟興
詞從此始倒票盤剝非法紀私賍折業干吏議爲勸
吾民莫重利積德善爲兒孫地

勸民濬川里歌

爲勸吾民勤濬川免教雨澇水滔天昏墊呼號也徒

然綢繆未雨計宜先河底取土兩岸翻禦患只在
勤間耕三餘一九餘三長官此意最勤拳

勸民掘井里歌

由來鑿井好耕田收成不是全靠天一望沃壤徧澆
川井挖丈餘已及泉富生禮義自昔傳美利奈何甘
棄捐每井灌田三四畝管保八口得安全上完倉穀
省費錢陳陳相因利無邊愚民無識多支延鄉長紳
士倡宜先若是怠惰徂目前分別管杖警愚頑

勸民墾草里歌

吾出廉俸借爾錢速買牛犂墾草田冬春之初犁兩

內
卷之六
三六
翻籽粒獲在夏秋間一資家口俯仰寬二變穀價完
糧錢三來可免出蝗蝻此役一舉三善全若是領錢
不墾田田主鄉地枷杖嚴

勸民勿即邪歌

爲勸吾民勿即邪士勤誦法農桑麻商賈食力也堪
嘉問道周行永無差白蓮清水皆奇表左道亂民極
刑加豈不聞菩薩開門近在家如來不須涉流沙燒
香做會空咨嗟苦海回頭便是涯

